



Deqa axavtinên Hesên Şerefî  
cihgirê sekreterê giştî ê PDKÎ  
di rêûresma rêzgirtina ji  
şehîdên nû ên PDKÎ de

»»» R:6



## Peyama pêrozbahiyê ya Mistefa Hicrî bi boneya cejna Remezanê


Mistefa Hicrî sekreterê giştî ê PDKÎ bi boneya  
cejna Remezana pêrozbahî li hevvelatîyan kir.

Deqa peyamê:

Bi boneya cejna Remezanê, ez pêrozbahiyeke germ  
li hemû malbatên şehîdan, bi taybetî malbatên  
pêşmergeyên şehîd ên vê dawiyê ên Rojhilata Kurdis-  
tanê dikim, ku bi destên bikirêgirtiyên rejîma Ko-  
mara Îslamiya Îranê di şerê parastina rewşa û qehre-  
manane de, û di pêxema armancên gelê Kurd de hatin  
şehîdkirin.

Herwisa ez pêrozbahiyeke germ li girtiyên siyasî û  
malbatên wan, û li xelkê Kurd li Kurdistanê Îranê û bi giştî li hemû gelê Kurd  
dikim.

Hêvî dikim ku ev cejn, destpêka destpêkirina rojên cejn û xweşiyên rastîn ên  
serkevtina xebata hemû aliyane a şoreşa nû ya gelê me be, ku encama wê,  
rizgariya ji destê zordariya rejîma Komara Îslamî ye.



Cardin cejna we pêroz be  
PDKÎ  
Mistefa Hicrî

15.04.1395  
05.06.2016

*Bidestveanîna mafên netewî yên gelê kurd  
di çarçoveya Îraneke demokratîk û federal de*

# Agirî

Duheftînameyek Siyaset-Giştî Ye, PDK Îranê diweşîne [www.kurdistanmedia.com/kurdî](http://www.kurdistanmedia.com/kurdî)  
[www.agirimedia.org](http://www.agirimedia.org) Hejmar (281) 05-07-2016 Buha (500) Tûmen

## Demokrat xwendingeha berxwedan, û rabûnê ye



**K**urdistanê di 27'mîn  
Ksalvegera terora  
necamêrane ya rêberê xwe  
yê navdar Dr. Qasimlo de,  
tevî armancên bilind ên wî  
şehîdî, û rêvingên rêbaza  
wî, peymanê nû dike

Piştî destanrêsiyên curbicur  
ên xebatkarên Demokrat li  
çiyayên Kurdistanê, di heyva  
derbazbûyî de, ku gurriya  
agirê berxwedan û hişiyariya  
netewî li Kurdistanê Îranê  
bilind kirin, Komisyona  
Teşkilatê ya PDKÎ di bange-  
wazekê de daxwaz ji xelkê  
gund û bajarên Kurdistanê  
kir ku, 22'ê Pûşpera îsal  
bikin roja yekgirtin, û bere-

vaniya ji xebat û cangorîtiya  
hêza bihêz ya pêşmerge li dijî  
dagîrkerên welatê me.

Di beşek ji bangewazê de,  
serbarê bîranîna cînayeta  
terorîstî ya “Viyen”ê, rû li  
xelkê Kurdistanê hatiye ku:  
“Îsal di çarçoveya hêlên  
giştî ên peyama Newrozî ya  
PDKÎ de, ku hilgirê peyama  
“Rasan” a tevgera Kurd li vê  
beşa niştimana Kurda de  
û pêgeha bi hev re girê-  
dana xebata bajar û çiya bû,  
qutabiyên Qasimlo û xortên  
we yên pêşmerge di Hizba  
Demokrat de, bi amadebûna  
xwe di nava we de, kelha  
zulum û zordariya dagîrkeran

hejandin, û riha şoreş û  
vejîyanê xistin ber vê parçeya  
Kurdistanê de”.

Bangewaza Komisyona  
Teşkilatê serbarê îşarekirina  
bi şerên pîrr ji destanrêsiyên  
gundê “Qereseqel” a Şinoyê  
û herweha bilindahiyên  
“Kosalan” a Sewlawayê, û  
herêmên din ên Kurdistanê,  
ku bûye sedema kuştin û  
birîndarketina dehan fer-  
mande û kirêgirtiyên Spaha  
terorîst ya Pasdaran, û mix-  
abin axa pêroz ya niştiman jî  
bi xwîna çendîn pêşmergeyên  
leheng ên Hizba me hate  
xemilandin, hatiye ku: “Ev  
afirandina destanrêsiya

pêşmergeyên cangorî ên  
Kurdistanê, ku hilgirê peya-  
ma amadehiya wan di qada  
xebat bona parastina ax û  
xelkê Kurdistanê ye, beşek ji  
piroseya bihevve girêdana xe-  
bata bajar û çiya ye ku, çiya  
bi dengê bilind peyama xwe  
gellek cesûrane gihande guhê  
cîhanê, û niha jî dema vê  
hatiye ku xortên xebatkar ên  
bajar jî, bersiva hewce bidin  
vê cangorîtiyê, û hebûna xwe  
di qada mafxwaziya netewa  
xwe de biselimîne”.

Bangewaza Komisyona  
Teşkilat serbarê gazîkirina  
xelkê bona gireva giştî li  
seranserî Kurdistanê, daxwaz

ji gelê Kurd kiriye ku:

1-Dukan û bazaran li hemû bajar  
û gundên Kurdistanê dabixin.

2-Xelk xwe ji çûna bo ser kar  
biparêzin.

3-Akinciyan gundan di roja  
22'ê Pûşperê de, hatin û çûyîna  
bajaran nekin, û di gundên xwe  
de bimînin.

4-Cihên giştî bi hêma û sembolên  
Netewî-Demokratîk ên Kurdis-  
tanê (Weke Ala Kurdistanê, Arma  
PDKÎ û wêneyê rêberên şehîd,  
û şehîdên vê dawiyê ên tevgera  
rewa ya netewa me) bixemilînin.



## Sergotar

**Gireva bajar,  
dengê bihêz ê çiya  
ye**

**Kerîm Perwîzî**

Xebata Kurd di pêxema gihîştina xwe bi rizgarî û azadiyê, û bidestvegirtina qedera xwe, dehan û heya sedan sal e ku dom heye, û di beşên curbicurên Kurdistanê de, û di kêliyên curbicurên dîrokî de, bi awayên curbicur dom heye.

Di vê xebata dîr û dirêj ya Kurd de, ku teji ye ji evraz û nişîv û teji ye ji şikest û serkevtin, û teji ye ji xem û kovan û serfirazî, rêkar û riyên curbicur berçav hatine girtin, da ku neteweya Kurd bigihîje armancên xwe. Di pêvajoya xebata dîr û dirêj ya Kurd de, ku teji ye ji evraz û nişîv, û teji ye ji şikest û serkevtin, hemû şewazeke xebatê ceribandine.

Gotineke carr di nava edebiyata şoreşgerên Kurd de heye, ku bi derbazbûna demê çûye nava edebiyata gel de, û bûye tişteke carr di nav xelkê de, ku dibêjin Kurdan tenê yek dost û palpişt hene, ku ew jî çiyayên Kurdistanê ne.

Ew ceribandina tal ji van bûyerên dîrokî ve çavkanî digre, ku di hemû beşên Kurdistanê de, şoreşgerên Kurd seba vê ku bê dost û piştevan mane, û heya ên ku îdiaya dostatiya gelan jî kirine, piştî wan berdane, dubare û çendbare hawara xwe birine ber çiyayên Kurdistanê, da ku rêbaza xebatê zindî ragirin, û çiya bûye remza berxwedanê.


Niha û piştî dehan salî, ceribandina tal û şîrîn ya xebata Kurd, Kurdistan bi giştî û Kurdistanî Rojhilata bi taybetî dibe gihabin vê baweriyê, ku rast e çiya simbol e bo xweragirî û berxwedanê, lê bi pêşkevîna cîhanê, û bi mezinbûna bajarên Kurdistanê, û bi guherînkariyên bingeşên di nava civaka cîhanî û herêmî û civaka Kurdistanê de, êdî dema vê hatiye ku bajar bibe nawenda guherînkariyan di Kurdistanê de, û ji bajar ve xelk xebata xwe çirrtir bikin, bona bidestvegirtina qedera xwe, jiberku ji aliyekî ve bajar û civaka Kurdistanê di bajar de, xala lawaz ya rejîma serkutkar e, û di hember de jî, bajar paşekêşe dike, û ji aliyekî din ve, Kurdistan û xebata neteweyî –demokratîk ya Kurd piştevananeke din dîtiye, ku ew jî civaka akincî di bajar bixwe de ye.

## Derheq 22'ê Pûşperê, li Şinoyê çalakiyên teblîxî bi rê ve çûn

Endam û alîgirên PDKÎ derheq 22'ê Pûşperê 27.mîn salvegera terorkirina Dr. Qasimlo, li bajarê Şinoyê tirakt û wêneyên şehîd Dr. Qasimlo belav kirin.

Li gora nûçeya ku gihaye malpera Kurdistanmedia, endam û alîgirên PDKÎ li bajarê Şinoyê yad û bîra Dr. Qasimlo bilind nixandîn, û terorîzma navdewletî ya rejîma Îranê mehkûm kirin.

Endam û tekoşerên PDKÎ li bajarê Şinoyê, li gundê “Alyawê” şeva 13'ê Pûşperê, bi boneya 22'ê Pûşperê 27.mîn salvegera şehîdkirina Dr. Qasimlo û xebata nû ya PDKÎ wate xebata “çiya û bajar” bi nivîsandina diruşmên hizbî, roja 22'ê Pûşperê bilind ragirtin.



## Şêvra Leşkerî ya PDKÎ derheq çalakiyên pêşmergeyan daxuyaniyek weşand

Şêvra Leşkerî ya PDKÎ derheq çalakiyên pêşmerge di bajarên Kurdistanî Rojhelat de daxuyaniyek weşand.

### Deqa daxuyaniyê:

Şêvra Leşkerî ya PDKÎ ragehand ku hêza pêşmerge a PDKÎ di doma çalakiyên xwe de, civîneke berfireh bo seyranciyên “Dola Hawşînan” a Mehabadê bi rê ve birine.

Li gora rapora Şêvra Leşkerî ya PDKÎ, ew civîn demjimêr 4 heya 4:45 deqeyên êvarîya roja Yekşemiyê, 13'ê Pûşpera 1395'an bi rê ve çû.

Di vê civînê de, yek ji berpirsyarên PDKÎ baseke taybetî li ser siyasatên PDKÎ û Rasana PDKÎ ji bo beşdaran kir, ku ew basa navbirî bi çepikên xelkê, hate pêşwazîkirin. Herwisa di vê seyrangê de, xelkekî zaf ji bajarên Mehabad, Pîranşar, Nexede û Şinoyê beşdar bûn.

Her di vê derheqê de, Şêvra Leşkerî ya PDKÎ belav kir ku hêza pêşmerge ya PDKÎ di doma çalakiyên xwe de, êvarîya roja Yekşemiyê demjimêr 5-6 li ser rîya Pîranşar-Mehabadê amade bûn, û tevî ragirtina trombêlên hevvelatiyan, civîneke berfireh jî bi rê ve birin.

Di vê civînê de, ku bo tevahiya sernîşînên trombêlan hatibû pêkanîn, yek ji berpirsyarên PDKÎ baseke taybetî, li ser siyasat û helwestên PDKÎ û qonaxa nû ya xebat û tekoşîna PDKÎ û pîlanên rejîmê pêşkêş kir, ku digel pêşwaziyeke berçav ya beşdarbûyiyan û çepikên wan berbirû bû.

**Şêvra Leşkerî ya PDKÎ**  
**14.04.1395**  
**04.07.2016**



Lê di vê navberê de, çiya ne tenê dengê jibîrkirî nabe, belku çiyayê xweragir, û sembola xebat û berdewamiya berxwedanê, dengvedana xwe, di bajar de dibihîse, û bajarên Kurdistanê bi gireva xwe, dibe dengê bihêz ê çiya.



## Bangewaza Komîsyona Teşkilatê a PDKÎ ji bo gireva giştî di roja 22'ê Pûşper (12.07.2016)'an de

### Civatên xweragir û azadîxwaz ên Kurdistanê!

22'ê Pûşpera Îsal, 27 sal bi ser karesata terorîstî a Viyenê re derbaz dibe, ku tê de Dr. Qasimlo sekreterê giştî ê PDKÎ li ser maseya gotûbêja bo çareseriya pîrsa Kurd, li Kurdistana Îranê, bi destên dîplomat terorîstên Komara Îslamî ya Îranê hate şehîdkirin.



Terora Dr. Qasimlo yek ji karesatên herî dilêş ên dîroka tevgera rizgarîxwaziya hevçerx a Kurd bû, ku armanc ji vê pîlana dijî mirovî a rejîmê, ew bûye ku PDKÎ neçar bi serîtewandinê bike, û neçar bike ku ji xebata bo dabînkirina mafên rewşa xelkê Kurdistanê poşman be, lê dersxwanên Dr. Qasimlo di PDKÎ de, bi piştgirêdana bi hêza bêbînî a xelkê Kurdistanê, û derswergirtina ji

rênîşandanên Dr.

Qasimlo, serbilindane karîn ku xebata rizgarîxwazane ya xelkê Kurdistanê bidomînin, û PDKÎ wekî çelengesiwarê qada vê xebatê bimîne.

### Xelkê Mafxwaz ê Kurdistanê!

Herwekî ku hûn agehdar in, îsal di

bûna xwe di nav we de, kelha zor-dariya dagîrkeran xistin lertzê, û riha şoreş û vejîyanê xistin ber vê perçeya Kurdistanê de. Ew pêngava pîroz ya pêşmerge digel dijîkiryara tund ya rejîmê, û hêzên dijî gelî berbirû bû, û di çendîn cihên Kurdistanê de, şerên bixwîn pêk hatin.

Çîroka şerê qehremanane yê gundê “Qere Seqel” a Şinoyê, û çiyayê “Kosalan” a Sewlawa û herêmên din ên Kurdistanê, ku kuştin û birîndarbûna dehan kes ji fermande û kirêgirtiyên Spaha Pasdaran a terorîst lê ket, bi xwîna sor a çendîn pêşmergeyên qehreman ên hizba me hate xemilandin, ku bo heya-heya di dîroka bizava azadîxwaiya Kurd de, wekî stêrkeke geş wê bibirîqe.

Ew destanrêsiyên pêşmergeyên can li ser dest ên Kurdistanê, ku hilgirê peyama amadeyiya wan, di qada xebat bo parastina xelk û xaka Kurdistanê de ye, beşek ji piroseya pêkvegirêdana xebata çiya û bajar e, ku çiya peyama xwe bi dengê bilind gehande guhê cihanê, û niha dema vê hatiye ku xortên xebatkar ên bajar jî bersiveke baş û hejî bidin vê canbaziye, û hebûna xwe di qada mafxwaziya neteweya xwe de biselîmin.

Bo vê armancê, em daxwazê dikin

ku roja 22'ê Pûşper (12.07.2016)'an, wate salvegera terora necamêrane ya rêberê me yê şehîd, Dr. Qasimloyê nemir bikin roja gireva giştî li seranserî Kurdistana Rojhilat, û peymanê emegdariyê digel armancên bilind ên mirovî ên şehîdan, nû bikin.

### Em daxwazê dikin ku di vê rojê de:

1-Dukan û bazarê li hemû gund û bajaran de dabixin.

2-Xelk neçin ser karên xwe.

3-Rûniştîyên gundên Kurdistanê, di vê rojê de, hatûçûna bajaran nekin, û di gund de bimînin.

4-Cihên giştî bi hêma û sembolên tevgera neteweyî-demokratîk a Kurdistanê (wekî alaya Kurdistan, arma PDKÎ û wêneyê rêberên şehîd û şehîdên nû ên tevgera me ya rewşa bixemilînin.

Bê şik û guman serkevtina vê gireva giştî, hewcehî bi beşdariya çalakane û îradeya yekgirtî ya hemû tex û qatên civaka Kurdistanê heye, û nîşana emegnasiya li hemberî riha şehîd Dr. qasimlo û şehîdên “Rasan” (rabûn) a PDKÎ û hemû şehîdên rîya rizgariya Kurd û Kurdistanê ye.

## Sekretariyeta PDKÎ nameyek bo balyozxaneyên welatên bîhanî li Herêma Kurdistanê û ragehandinên giştî şand

**S**ekretariyaya PDKÎ nameyek bo balyozxaneyên welatên bîhanî li Herêma Kurdistanê û ragehandinên giştî şand, derheq bi gefên êrîşa leşkirî ên Îranê bo ser kempên Hizba Demokrat.

Eva deqa nameyê ye:

Piştî êrîşên curbicur ên rejîma Komara Îslamî ya Îranê bo ser pêşmergeyên me li navxweyî Kurdistana Rojhilat li berwarê 15'ê Hezîrana sala 2016'an a Zayînî ve heya nivîsandina vê nameyê, 9 pêşmergeyên me şehîd ketine, eva di demekî de ye ku li tu cihêkî pêşmergeyên me êrîş nekirine ser tu dam û dezgehe yan kesatiyekî hikûmetî, belkî erkê wan peywendîgirtina tevî xelkê, bangeşeya siyasî û tîkiliya tevî xelkê bûye, lê di vê rewşê de ku erîş hatiye ser wan, wan jî berevanî ji xwe kirine.

Rejîma Komara Îslamî ya Îranê xincî şehîdkirina wan pêşmergeyên me, ew çalakîyên me kirine hêcet, bo topbarankirina herêmên sînorî ên Kurdistana Îran û Îraqê, û herêmên çiyayî ên navxweyî Kurdistana Îranê, û bi vî awayî bûye sedema agirketina bi dehan hiktar bax û çêrgehên gundiyên wê deverê, û birîndarketina 5 kes ji gundiyên herêmên sînorî ên Kurdistana Îraqê, ku 3 kes ji wan zarok in, û awarebûna bi dehan malbatên gundên deverê, û herweha gihandina zirarên zêde ên malî li xelkê deverê.

Piştî vê karbidestên bayebilind ên leşkirî û yek ji wan “Mihemed Pakpûr” fermandeyê hêza bejayî ya Spaha Pasdaran ragehand ku, ew wê êrîş bikin ser binke û baregeh û cihên Hizba Demokrat di nava axa Herêma Kurdistanê de.

Bi liberçavgirtina êrîşên esmanî ên vî rejîmê di salên derbazbûyî de bo ser baregehên Hizba Demokrat, êrîşên bejayî di sala 1996'an de, bo ser binkeyên serekî ên Hizba Demokrat li bajarê Koyê, û kûrahiya axa Kurdistana Îraqê, herweha êrîşên bi zirar ên kirêgirtiyên vî rejîmê bo ser kemp û baregehên Mucahidîn ên li bajarê Bexdayê di sala 2015'an de, em gefên vî dawiyê ên rejîmê bi micîti dinirxînin.

Lewra bi şandina vî nameyê, serbarê haydarkirina we yê birêz ji metirsiya rûdana wan êrîşan, em daxwazê ji we dikin ku ji rêya xwe ve, rejîma Komara Îslamî bixin bin zext û givaşê, bona vî ku xwe ji topbarana cihê akincîbûn û kar û jiyana xelkê Kurd li her du beşên Kurdistana Îran û Îraqê, û ji her cure êrîşekê bo ser binke û baregehên



Hizba Demokrat a Kurdistana Îranê, ku cihê jiyana bi sedan malbatên Kurdên aware ên Kurdistana Îranê ye, xwe biparêzin.

**PDKÎ**  
**Sekretariyeta**  
**10.04.1395**  
**30.06.2016**



## Mistefa hicrî: Em wefadar in bi peymanana ku me daye xelkê xwe

**Mistefa Hicrî Sekreterê giştî yê PDKÎ di rêûresma şehîdên destanrêsiya Şinoyê de ragehand ku, gelê Kurd di Kurdistanê Îranê de daxwaz ji Hizba Demokrat kirine ku, xebata xwe berdewam bike, û ew xelk yekem piştevanê wan e.**

**Eva deqa peyamê ye:**

**Malbatên serbilind yê Şehîdan!**

**Mêhvanên rêzdar!**

**Heyetên pişikdar ji her çar parên Kurdistanê!**

**Xûşk û birayên hêja!**

Silaveke germ li we be. Eva ku îro rojê em hemû ji herçar parên Kurdistanê li dewra hevdu kom kirine, tenê bi vê wateyê nahê ku bi ceste û bi can em ligel hevdu ne, belkî girîngtir ji vê, ev bîrûbawer û xebat û tekoşîna ku, li her cihekî vê Kurdistanê berdewam be, her derek û her cihek ji cesteyê Kurdistanê birîndar be, xebatkarên Kurd li her bihostekî axa Kurdistanê parvekirin de, fidakariyê bikin, eva di îrade û di dilê me hemûyan de heye, Kurdistan, Kurdistan me hamûyan e, li her derekî serkevtinê hebe, serkevtina me hemûyan e, li her derekî astengî û êş û elem hebin, em hemû wê dibe wan astengiyan tehemul bikin, û bi hev re, wê wan xeman parve bikin.

Ev kombûna û pirse mînaka vê yekgirtinê ye. Em rege di parên curbicirên Kurdistanê de, çî di dîrokê de û ci jî niha, her yek ji me û her girûpeke siyasî ji me, ku xwediyê boçûnên cuda be, ev civîn û kombûnê weha nîşan didin ku serbarê wan hem ciyawazîyan, yek mijar bo hemû Kurdekî welatparêz girîng e, ev jî parsatîna welat e bi her buhayekî be, em niha li hemû parên Kurdistanê mijûl in, û vê buhayê didin, û dibêjin dujmin û dagîrkerên Kurdistanê ku, serbarê bi sedan sal pîlan û pîlangêrî ya dujmin û dagîrkeran bo jinavbirina Kurdan, bo jibîrkirina gelê Kurd, û jibîrkirina kultur û çand û dîrok û buhayên Kurdan, lê ew bê encam û deskevt bûne, di vê derheqê de, eva ku roj bi roj pitir nav û navbangan der dike, û rastî û berheqîya xebata wî bo cîhanê îşbat dibe, gelê Kurd e, li hemû parên Kurdistanê de, bitaybetî li Kurdistanê Rojhilat de, ku rejîma Komara Îslamî îdî' a dike ku alahilgirê vê ye ku girava aramî û tenahiye ye li Rojhilata Navîn ya pir ji xwîn û şer, dixwaze nîşan bide ku rêçare di destê wî de ye, û eva

jî bûye sedem ku gelê Kurd û hemû azadîxwazên din, bi nîşaneyê razîbûnê deng ji wan nehê, eva di demekî de ye ku hekî ewlehî û aramiyek hebe, bi derba xencerê ye di bin tirs û dîktatoriyetê de, û roj bi roj tir û dîktatoriyet ber bi zêdebûnê ve diçe.

Komara Îslamî li gorî îdolojî û siyasî setên xwe di 37 salên derbazbûyî de heya niha, îşbat kiriye ku ne tenê li dijî mafê hemû azadîxwazekê di Îranê de ye, belkî dijî mafê Kurd û netewên din ên Îranê ye jî, belkî dijî mafê gelê Kurd li hemû parên Kurdistanê parvekirî ye. Lewra di hemû parên Kurdistanê de şer û tevdanîkarî û duberekî, berhema siyasîyên Komara Îslamî ya Îranê ye.

Hekî îro rojê em dibînin ku li Kurdistanê Bakûr hukûmetek xwecîyî hatiye avakirin, xûya ye ku tevî kirîza aborî, şerê li dijî DAÎŞ'ê, dest xistine nava karûbarên vê para Kurdistanê û ew kêşe û aloziyên ku di navbera hêzên siyasî de heye, dewsa Komara Îslamî ya Îranê di hemû wan mijarên baskirî de xûya dike, lewra hekî di Kurdistanê Rojhilat de ku para dagîrkirî ji aliyê Komara Îslamî ya Îranê ve ye, xebatkarên Kurd tene şehîdkirin, tene binçavkirin, sivikati bi wan tê kirin, tişteke taze û siyasîyêk nû ya Komara Îslamî ya Îranê niye, herweha di xebatê

### Em şanaziye bi wan xebatkarên xwe, û bi pêşmergeyên xwe, û bi xelkê xwe dikin

ta gelê Kurd li Kurdistanê Rojhilat de jî tişteke taze nine, em 37 sal in ku vê ceribandîna tevî Komara Îslamî ducarî dikin û ber bi pêşve diçin, bêguman azadîxwazên Kurd, hêzên siyasî ên dijberî Komara Îslamî, bitaybetî PDKÎ ku di 70 sal temenê xebata li dijî dîktatoriyetê de, 37 sal tevî Komara Îslamî ceribandiye, siyasîyên Komara Îslamî, bîrûbaweriyên wî, dijîgelî baûna wî, pitir ji hemû ji hemû xelkên din nas dike, bêrehmî û dirindeyiya wî li hemberî gelê Kurd li Kurdistanê Rojhilat pitir ji hemû kesekî nas dike, û PDKÎ jî hekî biryara xebat û domandîna fidakariyê di pêxema armancên xelkê xwe da ye, û careke din pêşmergeyên Kurdistanê li gund û bajarên Kurdistanê bona peywendî û têkilbûna zêdetir tevî xelkê xwe mijûlî birêvebirina çalakiyan in, li hember wan siyasîyên Komara Îslamî ya Îranê de bûye.



Dema me weke rêberiya PDKÎ, ev biryara han da, me hemû tişt liberçav girtin, û li ser vê baweriyê bûn ku gereke weke salên derbazbûyî em amade bin, û nirxa wê jî bidin. Nihe jî ev şehîdên me, ên ku îro em bona bîranîna qehremanetiya wan, bona bilindnirxandina beweriya wan ya qahîm li wir kom bûne, nîşaneyek ji beşek ji vê buhayê ye, ku em dixwazin bidin, ev desteya pêşmergeyên me nîşan dan ku, PDKÎ berevajî piropagandeyên bê bingeş û pûç ên rejîma Îslamî ya Îranê, ne tenê neheliyaye, belkî her xwedî moraleke bilind e, û bi bîrûbaweriyê qahîm, bawermendbûn bi armancên gel, ketiye qada xebatê di Kurdistanê Îranê de, ew

pêşmergeyên ku serbarê berbirûbûna tevî hêza mezin û pirr çek aên rejîmê, heya dawîya jiyanê û dawî dilopa xwîna xwe, berevanî ji xwe û xelkê xwe kirin û PDKÎ jî berê serbilindtir kirin.

Em şanaziye bi wan xebatkarên xwe dikin, bi pêşmergeyên xwe, bi xelkê xwe ku hêz û moralê dibexşin pêşmerge, û xortên wan bixwe ne, bi PDKÎ ku pêşeng û pêşrewê xebata netewî ye li Kurdistanê Îranê. Digel vê ku xem û kovana jidestdana wan qehremanan bo me û bo hemû xelkê Kurdistanê, ku hûn ên ezîz û xweşdivî minakek ji wan in, pir giran e, lê ev xem û xemên din jî, me bi çok de nahînin, me ji bîr û bawerî û ji îradeya xwe sist nakin, jiber ke me soz daye xelkê xwe ku, heya wî çaxî ku stem û ferq û cudahî û hewlên Komara Îslamî

ya Îranê bona jinavbirina xelkê Kurd di holê de be, xebat berdewam e û PDKÎ pêşrewê vê xebatê ye.

Ev bûyera han digel hemû giranî û qursayîya xwe, hinek diyarde û nîşaneyên pir nû bo me û civaka cîhanî û herêmê dan xuyakirin, yekem eva ku gelê Kurd di Kurdistanê Rojhilat de daxwaz ji PDKÎ kirine ku xebata xwe berdewam bike, û xelk yekem piştevanê vê xebatê ye.

PDKÎ bi piştevaniya vê xelkê careke din vedigere nava xelkê xwe de, digel wan tîkel dibe bona vê ku, xwîn û xweh (areqe) û zehmet û tekoşîna xwe digel xelkê xwe tîkel bike, û girê bide. Berevajî vê ku bitaybetî karbidestê Komara Îslamî ya Îranê reklamê jê re dikin û dixwazin ku wusa nîşan bidin ku tekoşîn û tevgera niha ya PDKÎ bi piştevaniya bîhaniyan û Ereban û Amerîka û .... hwd ye, weke berê dixwazin qursayî û buhayên gelê Kurd kêmbikin, lewra ez bi berpirsati ve careke din radigêhînim ku, xebata me encama îrade û daxwaza gelê Kurd e di Kurdistanê Îranê de.

Derencama amadebûna kadr û pêşmerge û endamên hizbê ye, ku di hemû rewşekê de alîkarê Hizba demokrat bûn. Em hêz û şiyana xwe ji xelkê û pêşmerge werdigirin, lewra hekî em dibînin ku 37 sal e xwîn ji leş û cesteyê vê xebatê tê, lê xelk wan birînan careke din çareser û cihê wan pirr dike. Derbazbûyiya me vê yekê nîşan dide, û niha û pêşeroja me jî her wê wusa be.

Bila Komara Îslamî û kirêgirtiyên Komara Îslamê vê yekê baş bizanin ku, em weke PDKÎ, weke gelê Kurd, pêşmergeyên me, em şerxwaz ninin, em aşîxwaz in, em bihevve jiyanê dixwazin, em dixwazin ku xelkê me di Kurdistanê de, li Îranê û di



hemû parên Kurdistanê parvekirî de, xwediyê jiyanê serdemiyane bo îro rojê bin. Xebata me bona bidestxistina jiyanekî weha ye. Derbazbûna jî destê zelilî û bêdeshilatî û êxsîriyê ye.

Em digel vê ku di rêûresma sersaxiyê de kom bûne, lê curek jî yekgirtin û yekrengiyê di nava xebatkarên Kurd di vir de dibînin. Renge yek jî taybetmendiyên herî mezin ên vê bûyerê eva be ku, gelê Kurd, hûn weke nûnerên rêxistinên siyasî li hemû parên Kurdistanê de, bi amadebûna di vê rêûresmê de, we nîşan da ku dilê we digel me ye, bîrûbawerîya we digel me ye. Me hemûyan bi hev re bawerî bi rizgariya Kurdistanê heye, û her yek di para xwe de û bi şeweya guncaw a xwe, xebat û berxwedana xwe berdewam dike.

Ev yekgirtina han hewce ye ku niha jî hemû demekî pitir berfirehtir û qahîmtir bibe, lewra em hêvî dikin ku bi şehîdketina van pêşmergeyên me, vê kombûnê, û herweha ew pêşmergeyên ku di parên din ên Kurdistanê de, rojane termên wan bo nava malbat û xelkê wan têne vegerandin, wate bi destên dujmin û terorîst û neyarên Kurdan tê şehîdkirin, evana hemû bibin sedema vê ku di hemû parên Kurdistanê de, û bitaybetî li Kurdistanê Başûr de, ku cihê hêviya hemû Kurda ye, kêşe û nakokî jî rêya aşîxwazane ve bîn çareserkin û, kêşeyên han nebin sedem ku em armancên xwe ên bilind û netewî jî bîr bikin, û kêmbuha bibin, jiber ku li berçavê me hemûyan e, û em rojane dibînin ku, çawa dujminên me lepên xwe xistine nava xwîna me de, û bi tu awayekî jî xwînrêjandin û xwînxwarina me têr nabin, ew ruhê me bi me nakin, lewra piştevanê me û hêza me ya herî mezin, yekgirtina me ye.

Ez hêvî dikim ke ev şehîdên me û hemû şehîdên Kurdistanê bibine waneyek bo me hemûyan, û em dîrokeke nû, rûpelekî nû, jî nû ve dest pê bikin, jî bihevre jiyanê û jî bihevre sazane, jî hurmetdanana bo hevdu û bihêzkirina hevdu.

Ez gellek spasiya pişikdariya we dikim. Bêguma pişikdariya we xem û kovanên me weke hevçeperên wan şehîdan û malbatên wan ên serbilind, çi ên ku li vir in, çi ên ku li her derekî din bin, kêr dike, jiber ku hûn xem û kovanên me digel me parve dikin.

**Gellek spasiya we dikim  
Hêviya min serbilindiya we û  
serkevtina Kurdistanê ye**

### Dewreya 219 ya despêkî ya pêşmergeyên Kurdistanê li ser sînorên Kurdistanê Rojhilat bidawî hat

**R**êûresmek bi boneya bi-dawîhatina Dewreya 219 ya despêkî ya pêşmergeyên Kurdistanê, jî aliyê Komisyona Perwerde ya Hizba Demokrata Kurdistanê ve li ser sînorên Kurdistanê Rojhilat bi rê ve çû.

Roja Înê 1'ê Temûza 2016'an, li Çiyayê Helgord û li ser sînorê di navbera Başûr û Rojhilat de, rêûresma bidawîhatina dewreya 219 ya despêkî ya pêşmergeyên Kurdistanê bi rê ve çû, û hejmerek ji xortên qehreman û welatparêz ên gelê me, tevî refên pêşmerge bûn.

Rêûresmê bi sirûda netewî ya “Ey Reqîb” û herweha ragirtina bédengi-yên bona rêzgirtin jî canê pak ê şehîdan dest bi karê xwe kir û piştê “Omîd Mendomî” bi navê Fêrgeha Komisyona Perwerde ya PDKÎ ve peyamek pêşkêş kir.

Mendomî di peyama xwe de amaje bi taybetmendiya Dewreya 219 kir û ragehand ku, pêşmergeyên vê devreyê nîşan dan ku topbaranên Komara Îslamî nekarîn ku rê li ber birêveçûna vê devreyê bigirin.

Navbirî herweha bas ji şehîdên vê dawiyê ên qonaxa “Rasan” ya PDKÎ kir û ragehand ku, vê dewreyê bi kiryar îsbat kir ku wê rêya wan şehîdan bidomînin.

Piştê Rehîm Mengurî fermandeyê Hêza Taybet ya PDKÎ gotarek pêşkêş kir û tê de tekezî li ser perwerde û pêşmerge di vê qonaxa nû ya PDKÎ de kir.

Fermandeyê Hêza Taybet ya PDKÎ di doma gotinên xwe de amaje bi ezmûna nû ya xebatê û girîngî û rola perwerde û nûkirina perwerdeya pêşmerge kir.

Piştê Şoreş Elawesî ku yek ji mamosteyên Fêrgeha Komisyona Perwerde ya PDKÎ ye, raporek li ser çavaniya birêveçûna dewreyê pêşkêş kir û tê de bi hûrî bas ji beşên cuda cuda ên Dewreya 219 kir.

Di beşeke din ya rêûresmê de “Se'îd Siware” ku yek ji pişikdarên dewreyê ye, helbestek pêşkêş kir.

Di beşa din de xelata sê kesên yekem



di warên taqîkariyan de û herweha sê kesên yekem di warên Exlaq û disiplinê pêşmerge, bi ser 6 pêşmergeyên pişikdar di devreyê de hatin parvekirin.

Paşan gotarek jî aliyê Aso Salih ku yek ji pişikdarên dewreyê bû, û li derveyê welat û piştî peyama rasanê ya PDKÎ bo Kurdistanê vegeriya ye, hate pêşkêşkirin, û navbirî di gotara xwe de bas ji rola pêşmerge di girêdana xebata çiya û bajar de kir.

Piştê “Karwan Ajî” ku yek ji pişikdarên dewreyê ye, helbestek pêşkêş kir.

Di beşa din ya rêûresmê de Korra Hunerî ya Dewreya 219 bi serperestiya Seyîd Yûnis Nîkcûyan stranek pêşkêş kir.

Paşan peyama bidawîhatina dewreya 219 jî aliyê “Ala Lutfî” ku yek ji pişikdarên dewreyê bû, hate xwendin.

Ala Lutfî di peyama xwe de tekezî li ser morala bilind ya pêşmerge di qonaxa nû ya xebatê de kir, û ragehand ku, tu asteng û berbestek, jî topbaranê bigire heya balafirên sîxorî ên rejîmê, nekarî ku rê li ber birêvebirina dewreya me bigre.

Hêjayî basê ye ku di dewreya 219 ya despêkî ya pêşmerge de, xortên welatparên ên herçar parên Kurdistanê pişikdar bûn, û şanaziya navê pêşmerge di refên



## Deqa gotinên cîgirê sekreterê giştî yê PDKÎ di rêûresma sersaxiya şehîd Şoreş Mînberî de



Hevalê hêja Kak Mistefa sekreterê giştî, hevalên rêberiya Hizba Demokrata Kurdistanê Îranê, malbatên serbilind ên şehîdên me yên nû, mêhvanên rêzdar, xûşk û birayên me yên kadr û pêşmerge, îro em di demekî de li vir kom bûne ku, xem û kovaneke mezin û giran û birîna kûr ya jidestdana hejmarek ji pêşmergeyên me bi ser canê me, û dilê me de qursayiyê dike, û bi vî awayî birînek din kete ser cesteyê Hizba me de, û bi şehîdketina hevalê me yê ezîz û xebatkar Kak Şoreş Mînberî, xemekî din bi xemên me ve zêde bû.

### Kak Şoreş kî bû?

Bo mezinahiya şehîd Şoreş her ew qas bes e, ku em bêjin Şoreş perwerdebûyê hembêza “Niyer”ê bû, û em bêjin ku xortê şehîd, û pêşmergeyê PDKÎ bû, bêjin ku malbata serbilind ya şehîdên PDKÎ bû. Kesek li cihekî weha, di bin siya babê xwe yê pêşmerge û şehîd de, di bin siya malbatekî şehîdperwer de hatibe perwerdekirin û pê geştiye, her gereke Kak Şoreş jê çê be.

Jiyannameya wî amaje bi gellek tiştan dike, eva ku belav dibe tenê beşek kêr ji taybetmendiyên Kak Şoreş in, lê me hemûyan, ku navbirî ji nêzîk ve nas dikin, dizanî ku taybetmendiyên wî gellek ji vî zêdetir bûn, gellek ji vî mezintir bû, xebatkartir bû, xebatkar bi qasekî ku îsbat kir ku bi canê xwe û bi xwîna xwe Kurdistanê dixemlîne, û PDKÎ, partiya xwe, û babê xwe, û Niyerê serfiraz û serbilind dike. Em li vir kom bûne ku vî yekê weke xemeke giran bas bikin, yan ku rastiyeke din jî bixin ber bas, eva ku xemeke qurs û giran e, cihê şik û gumanê nine, eva ku dilê me hemûyan weha bona ezîzîn me birîndar e, cihê şik û gumanê nine, di vir de rastî û heqîqetek heye, eva ku di vî rêûresmê

de em kom bûne, pitir bo vî ye ku rêz û pêzanîna xwe bo wan şehîdan nîşan bidin, û rêzgirtin ji cangorîtiya wan jî tenê bi domandina rêya wan digîje encamê. Ez hêvîdar im ku di pîvana vî rêyê de, ku Hizbê li pêşiya me daniye, ev rêya ku rêbaza şehîdan û şehîdên me yên rêber e û niha li pêşiya me ye, gereke em vî rêyê derbaz bikin, û bigîjin armancê, ev armancên ku armanca şehîdên me yên rêber û hemû şehîdên Hizb û gelê me ne.

Peyama Newrozî ya PDKÎ ku li cihekî taybet û ji aliyê sekreterê giştî yê hizbê ve hate ragehandin, peyamek nebû jiber vî ku cihê wê xweş bû, jiber wê ku dema wê guncaw bû, peyamek bû ku nîşana îradeya gellekî bû, ku rêberê wê PDKÎ bû, peyama Komîteya Nawendî û rêberiya vî Hizbê bû, ku sekreterê wê pêşkêş kir.

Peyamek bû li ser bingeha lêkvedanê, peyamek bû bona vî ku rê nedin dest bixin ser devê me, peyamek bû bona vî ku ew xebat û fidakariya ku pêşmerge li çiya dike, xortên xebatkar ên netewa me li bajaran jî dikin, û herdu xebatan bi hevdu ve girê bidin, û her curekî xebatê li her cihekî ku tê meşandin li bajar û çiyayan de, bibin zincîrek ji xebata partiyeke xebatkar. Her şehîdekî me qulpeke ji vî zincîrê, ku zincîrê qurs û qahîmtir dike. Xwîna her ezîzekî me alaveke bona gihîştin bi wan armancan, û geştiya bi wan armancan serbilindî ye bo hizbê, û di nava Hizbê de jî wan qulpan bi hevdu ve girê dide, û xebatê dimeşîne, û wan armancan bi dest dixin. Em hemû xortên vî partiye ne, û em hemû jî amadeyî encamdana erk û rasi-pardeyên hizba xwe ne, ku bi me bîne spartin.

Rê zehmet û dijwar e, dijminên me wehşî û hov in. Lewra PDKÎ ew

### Hesen şerefi:

## Hizba me birîndar dibe, lê bi çok de nahê

pêşbînî kiribû ku pêkvegirêdana xebata çiya û bajar nirxa xwe dixwaze, û mixabin nirxa wê jî gellek giran e. Ew nirx, can û jiyana kesên herî xweşewîst ên vî hizbê ye. Lê her vî hizbê ku dizanî nirxa wê giran e, di heman demê de, dizanî ku berhema wê jî serbilindî û serfiraziyek e ji bo PDKÎ, alahilgirê berfirehkirina xebata di Kurdistanê Rojhilat de. Em dibînin ku niha ew çavniherî hatiye cî.

Jiber ku em hemû xwediyê PDKÎ ne, û PDKÎ xwedîtiya me hemiyan dike, û bavê me hemiyan e. Lewra em baş dizanin ku zaroka te ya sava, heya duh beşeke zêde ji erka xwedîkirina wê li stûyê şehîdê me yê nû bû, lê ji niha şûnda ew erk hemû dikeve ser milên te, û dibe tu jî, cihê xwe, û bavê wî, jê re teji bikî, lê xatircem be, ku hemû hest û soza her kadr û pêşmergeyê û rêberatiya PDKÎ digel jiyana te ye, digel jiyana zaroka te û malbata te.



Herwek çavniheriya nirxa wê dihate kirin, wisa çavniheriya serbilindîya wê jî hate dîtin. Em dibînin ku di navxwe a Kurdistanê Rojhilat de, çî liv û tevgerê heye. Em dibînin ku çî hestekê ser heta piyê keç û kur û hemû xelkê Kurdistanê bi xwe ve girtiye. Em dibînin ku çî meraqkirin û amadeyî û cangorîtiyek, bona birêvebirina vî erkê, di pêvajoya vî xebatê de, di nava refên kadr û pêşmergeyan de tê dîtin. Hizbekê ku xortên bi vî rengî hebin, hizbekê ku ew kesên fidakar hebin, hizbek ku xwediyê vî hemî dîrok û siyaseta rast û dirust û vî hemî qehremantiya pêşmergeyan be, çawa kesek dikare ku xewna nemana wê bibîne.

Em hezkirî û ezîzeke xwe ji dest didin, lê em neteweyekê serbilind dikin, û hizba me di nava neteweya Kurd de, rast li vî cihî dadinên, ku dibe li wir be, û di derbazbûyî de li wir bûye, û niha jî dibe li wir be. Ez rû li malbata şehîdê me yê nû Kak Şoreş dikim! Rû li hevjiya hevalê me yê xweşdivî, xûşka hêja ya me hemiyan dikim. Kak Şoreş ji dest me hemiyan çû. Lê ne tu, û ne jî tu yek ji me, bêkes nînin-

ye. Em hêvî dikin ku xemên weha rû li tu malbateke hizbî û malbata me ya mezin wate PDKÎ neke, lê şoreş û xebata me renga hewcehî bi xemên din ên bi vî rengî hebe, lê hizba me hîn bûye ku birîndar be, lê tu carî nekeve qedeman. Digel sedan astengiyan berbirû be, lê eniya wê nebe girê, û li ser piyan qurs û qahîm bisekine, û pêşvebirina xebata xwe bi erk û wezîfeya sereke ya xwe bizane, û dizane.

Cardin em li ser navê Deftera Siyasî û Komîteya Nawendî û hemû têkoşerên hizbê, sersaxiyê dibêjne xwe û malbata we ya rêzdar, û xûşka me ya hêja, û em hêvî dikin ku herçawa me barê xemên wî ên giran hilgirtiye, her bi vî rengî jî, em soza domandina rêbaza wî jî bidin.

Silametî bo we hemiyan

Riha wî şad be

Hêvî dikim ku partiya me serkevtî be, ku ew serkevtin a me hemiyan e.



## Şandeke KCK'ê hevxemiya xwe ligel PDKÎ da xuyakirin



**Şandeke KCK'ê serdana Deftera Siyasî ya PDKÎ kir û hevxemî û hevderdiya xwe ligel PDKÎ da xuyakirin.**

Roja pêncşem, 10ê Pûşpera 1395an a Rojî (30/06/2016), «Dr. Husên» ber-

pirsyarê peywendiyên KCK'ê serdana deftera Siyasî ya Partiya Demokrat a Kurdistanê Îranê kir û ji aliyê şandeke PDKÎ bi serokatiya Rostem Ce-hangîrî, endamê Polîtbiroyê ve hate pêşwazîkirin.

Di vê serdanê de, şanda KCK'ê hevxemî û hevderdiya Partiya Karkerên Kurdistanê (PKK) piştî şehîdbûna komek Pêşmergeyên PDKÎ li hemaseyên teji qehremanetî yên vê dawiyê li Kurdistanê Rojhilat bi PDKÎ re ragehand.

Piştî her du alî li ser rewşa nû ya herêmê bîr û raman guherîn û herwiha li ser pirsên têkildar bi her du alîyan axivîn.

## Mehmûd Derwêş piştevaniyê dide Rasana Hizba Demokrata Kurdistanê Îranê

**Dr. Mehmûd Derwêş, pizîşkê naskirî ê Kurdistanê Rojava piştevanî da “Rasan” a Hizba Demokrata Kurdistanê Îranê.**

Roja Yekşemî berwarê 3'ê Temûz a 2016'an, Dr. Mehmûd Derwêş serdana deftera siyasî ya PDKÎ kir û ji aliyê Mihemed Nezîf Qadirî endamê deftera siyasî ya PDKÎ ve hate pêşwazîkirin.



Di vê serdanê de Dr. Mehmûd Derwêş ragehand ku, serbarê piştevanî ji xebata nû ya Hizba Demokrat a Kurdistanê Îranê, ez amade me ku xwebexşane di warê pizîşkî û dermanî de alîkariya pêşmergeyên Hizba Demokrata Kurdistanê Îranê bikim. Her di vê derheqê de jî Mihemed Nezîf Qadirî sipas û pêzanîna xwe li hemberî helwêsta welatparêzane ya Dr. Mehmûd Derwêş nîşan da, û hêvî xwest ku mînakên kesatiyên weha mezin û bilind di Kurdistanê de zêde bin.

## Ofîsa “Pêwendiyên” a PDKÎ li Hewlêrê, derheq çewtekariyên KNN'ê, rohnkirinek bo raya giştî belav kir.

**Di roja 04.07.2016'an de, raporek di malper û kanala televîzyonî ya KNN'ê de hate belavkirin, ku tê de îşare bi malpera “Dengî Kurdistan” hatiye kirin, û ji zimanê Mihemedsalih Qadirî nûnerê PDKÎ li Hewlêrê ve, gotinên dûr ji ratsiyê, û di heman demê de armancdar li jêr navê “du pirojeyên Sî'ûdî û Qeterê li dijî Kurd eşkere dibin” hatiye belavkirin.**

Em bi navê Ofîsa “Pêwendiyên” a PDKÎ li Hewlêrê radigehînin, ku axivtineke bi vî rengî ku nîşana vê naverokê be, ji aliyê me ve tunebûye, lewra em radigehînin ku serûbinê vê raporê, heya vî cihî ku pêwendî bi me ve hebe, dûr e ji rastî, û em ret dikin.

Bingeh û pîrensîpa sereke ya her



ragehandineke berpirsyar, gehandina zanyariyên dirust û dûr ji çewtekariyan bo raya giştî ye. Eva di demekê de ye ku rapora KNN'ê bi her meremeke siyasî û armancdar hatibe darêtin, dûr e ji rastîyan, û wekî çewtekarî, lekedarkirin û pirsyarxistina ser xebata rewşa ya Rojhilata Kurdistanê di vê dema hestiyar de tê hesibandin.

**PDKÎ**

**Ofîsa Pêwendiyên**

**Mihemedsalih Qadirî**

## PDKÎ êrîşa li ser kempa Lîbirtî ji aliyê rejîma Îranê ve şermezar kir

**PDKÎ di daxuyaniyekê de, êrîşa hovane ya rejîma Îranê li ser kempa Lîbirtî, ya Saziya “Mucahidînê Xelq a Îranê” protesto kir.**

Deqa daxuyaniyê:

Daxuyaniya Deftera Siyasî a PDKÎ Derheq mûşekbarana binkeya Saziya “Mucahidînê Xelq a Îranê”

Li gora ragehandina ragehandinên giştî, êvariya roja Duşemiyê, 14'ê Pûşperê (04.07.2016)'an, binkeya Lîbirtî ya Saziya “Mucahidînê Xelq a Îranê” li nêzî bajarê Bexdayê cardin jî, bû armanca êrîşa bi mûşekan ji aliyê rejîma Îslamiya Îranê û bikirêgirtiyên wê ve, û di encam de hejmarek ji rûniştîyên vê kempê birîndar bûn.

PDKÎ tevî mehkûmkirina vê kiriyara hovane ya rejîma Komara Îslamî a Îranê, hêviya vê dixwaze ku birîndar gellek zû baş (qenc) bin, û silametiya xwe bi dest bînin. Her di vê derheqê de, hevsoziya xwe digel Saziya “Mucahidînê Xelq a Îranê” eşkere dike, û daxwazê ji NY û bi taybetî hevpeymanan û hikûmeta Îraqê, ku di hemberî parastina canê akinciyên vê kmepê de berpirsyar in dike, ku êdî bi yekcarî û bo hertim pêşîya van destdirêjiyên rejîma Komara Îslamî ya Îranê bigrin, û rê nedin ku Komara Îslamî ya Îranê, hevsar beredayî êrîşî ser opozisyona Îranê di nav xaka Îraqê de bike.

**PDKÎ**

**15.04.1395**

**05.07.2016**



## Endamekî hêza “Berevaniya Neteweyî” (Bergirîya Millî) çû ser dilovaniya xwe

Endamekî hêza “Berevaniya Neteweyî” (Bergirîya Millî) li herêma “Çomî Mecîdxan” çû ser dilovaniya xwe.

“Ehmed Salkî” endamê hêza “Berevaniya Neteweyî” bi sedema bitemen bûnê çû ser dilovaniya xwe.

Li gor nûçeya ku gihaye malpera Kurdistanmedia, roja Şemiyê 2'ê Temûza 2016'an, Ehmed Salkî

endamê hêza “Berevaniya Neteweyî” a Partiya Demokrata Kurdistanê Îranê, xelkê gundê “Qeregul” a girêdayî herêma “Çomî Mecîdxan” li temenê 92 saliyê de çû ser dilovaniya xwe.

Navbirî birayê “mela Mehmûd Salkî” û mamê “Îbrahîm Salkî”, şehîdê Partiya Demokrata Kurdistanê Îranê bû.

Partiya Demokrata Kurdistanê Îranê sersaxiyê û serxweşiyê dibêje malbat, xizim û kes û karên wî, xwe di vê xem û kesere wan de şêrik dizan e.





## Şeş şoreşgerên berxwedêr

**D**ema ku hêza tarîperest wekî evrekî reş, esmanê hinda serê we dagirt, û xwest ku pêşiya çirûska we bigre, hûn demek bû ku rabibûn! Demek bû ku ji vê têgihîştibûn ku her çi tarîtiya dinyayê hebe, hêza veşartina ronahiya momekê jî nîne!

26'ê Cozerdana 1395 (15'ê hezîran) ê, kirêgirtî û "G3" bi destên komara

merg û îdamê, bi çavsaxiya taqmeke xwefiroş a qirêjxwaran, gundê Qere Seqel a Şinoyê dorpêç kirin, ku desteyek ji dersxwanên mekteba serdarê demokrasiyê di nav xwe de divehewand.

Desteyek ji lehengên Kurdistanê, ku agir berdane laşê qirêj ê di-jmînen azadiyê, û stûnên sist ên hêza dagîrkar ên Kurdistanê xistin lerzê, û

wekî qehremanên xebata çekdarî ya sala 46-47 (1987-1988)'an ku gireva aram ya Mihemedriza Şah şilqandin, destanrêsiya Qere Seqel afirandin, û bi "rasan" (rabûn) a çiya, ava mend ya Tehranê şilqandin.

Wan bi destnêsiya xwe û bi qehremantiya xwe selimandin ku mirovê şoreşger dikare merg û mirinê bixe qedeman, û bi şehîdbûna xwe, wa-

teyek nû bexşîne jiyane, ew li dijî koletiyê û li dijî bindestiyê bûn, lewra serî hildan. Şehîd Kemal Xizrî, Luqman Şêxanî, Xalid Pêyxamî, Selah Nadirî, Cemal Îsma'îlî û Seyîd Umer Husênî, şeş serqafî, şeş leheng, şeş xebatkarên rastîn ê rêbaza şehîdên Kurdistanê, bûne sembola remza rabûna Rojhilata Kurdistanê, ku rê û şopa jiyana xebatê ji Qazî û Qasimlo û Şerefkendî ve hîn bibûn.

### Hevalê serwer Kemal Xizrî

Kemal Xizrî kurê Mehmûd ji-dayîkbûyê sala 1968'an, li gundê Şawanê, ya ser bi Şinoyê li malbateke welatparêz û cotkar de ji dayîk bû. Navbirî piştî devberdana ji xwendinê, tevî endamên malbata xwe bona bidestxistina bijîwa jiyane, dest bi kar û kasibî û karê cotkariyê dike.

Di sala 1368 (1989)'an de, dibe pêşmerge, û di melbenda "Şimal"ê de tê birêkxistinîkirin. Di sala 1370 (1991)'an de, ji bo hêza Kêleşînê tê veguhastin. Di sala 1993'an de bo dewreya "bêtêl" (bêsim)ê tê şandin, û piştî salekê wekî beşa gumrikê tê diyarîkirin, û sala 1995'an bo dewreya siyasî tê şandin, û piştê wek

kadrê pile 4 di beşên curbicur de, dest bi tekoşînê dike, û di sala 1998'an de wekî fermendarê desteya komando a Nexedê tê diyarîkirin, û piştî têkelkirina komîte şaristanan, û pêkhatina organa "nawend", heval Kemal wekî serdeste û çend caran jî wekî endamê Nawenda 3 tê hilbijartin, û di beşên Perwerde, Malî û Emniyetê de kar kiriye.

Di sala 2002'an de, diçe dewreya siyasî ya kadrê pile 3, û bi serkevtin ve, vê qonaxê jî bi dawî tîne, û heya Dema şehîdbûna xwe jî, bi wergirtina berpirsiyê cur bi cur kar û tekoşîn kir. Ew yek ji wan kadrên herî xweşnav û kêrhatî di herêma şinoyê de bû. Navbirî tu carî di hemberî zulm û zordarî û xedrê de serî netewand, û morala xwe ji dest neda, û di demên

herî hestiyar yê xebatê de, di hemberî metirsiyan de sekinî, û morala xwe ji dest neda.

Wî hertim digot:

"Yên ku çokên wan dilerizin, şoreşger nînin.

Yên ku ditirsin Demokrat nînin.

Yên ku dibêjin, em nikarin û em bê hêvî ne, şik û guman di Kurdbûna wan de heye.

Demokratekî şoreşger ê Kurd, Ne ditirse, ne çokên wê dilerizin, û ne jî dibêje ku tu karek ji destên me nahê. Kurd natirse Demokrat nakeve Şoreşger nalerize Pêşmerge Demokrat, "Yan Kurdistan, yan neman dibêje".



### Hevalê serwer Luqman Şêxanî

Luqman Şêxanî kurê Ebdullah jidayîkbûyê sala 1976'an, li gundê Şêxan a Şinoyê ji dayîk bûye. Di temenê 7 saliyê de diçe xwendingehê, û heya pola yekem ya nawendî dixwîne, lê mixabin bi sedema destkurtiya malbata xwe naçar dibe, dev ji xwendinê berde, û serbarê temenê kêrhatî, hewla bidestxistina bijîwa jiyana xwe dide.

Di sala 1994'an de, dibe pêşmerge, û piştî bidawîanîna dwreya destpêkî ya pêşmerge, di hêza Kêleşînê de tê organîzekirin, û bi sedema kêrhatîbûnê, dibe cihgirpel, serpel, û cihgirê destê, û piştê jî dewreya siyasî ya kadriyê dibîne, û dibe kadrê pile çar. Di sala 2012'an de, dewreya pileya sê ya kadriyê dibîne, û dibe kadrê pile 3. Di konferansa sala 2015'an de, dibe

endamê Nawendê (Desteya Birêvebir ya Nawenda 3), û dibe berpirsê beşa teşkilata êşkere ya nawendê. Piştê dibe berpirsê Emniyet a Nawenda 3, û heya dema şehîdbûnê di vê beşê de xizmet kir. Navbirî pêşmergeyekî dilsoj û rastgo û pak bû, û hertim di çepera xebat û tekoşînê de amade bû.



qonaxa Nawendî salekê di Bokanê dibe, û du salên din jî li gundê Xelîfanê dibe. Piştî derbazkirina qonaxa nawendî, bona domandina xwendinê diçe Mehabadê. Salekê li Mehabadê dixwîne, û piştê qonaxa paşnawendî di beşa zanistên çandiniyê (kişt û kalê), di Urmîyê de dixwîne (paşnawendî a şevane).

Di sala 1998'an de, refa xebat û tekoşîna li dijî azadîkujan hildibêje, û çeka bergirîya ji kerameta neteweya xwe hildigre. Di sala 2000'î de diçe beşa Fîlmê a PDKÎ de. Şehîd Selah Nadirî di vir de ye, ku tevî cîhana huner û ragehandinê dibe. Di sala 2008'an de, di peymangeha teknîkî

ya Hewlêrê de, beşa Ragehandinê bi serkevtin ve bi dawî tîne. Ew di doma xwendina xwe de, erkên xwe yê hizbî jî bi başî bi rê ve dibe. Piştî bidawîanîna xwendina xwe, bi sedema jîrbûna wî, û asta bilind ya zanyariyê wî, daxwaz jê tê kirin, ku wekî alîkarê mamosta li zanîngehê bimîne, lê ew qebûl nake, û vedigere TISHK TV'yê, û bi dilsojiyê be, karûbarê xwe yê hizbî di vir de bi rê ve dibe. Şehîd Selah Nadirî ku dawî pileya wî, kadrê pile 3 bû, di dawî erkdariya xwe de, vegeriya kûrahiya niştiman, û li vir digel 5 hevalên leheng di şerê Qere Seqel a Şinoyê de, canê xwe pêşkêşî baregeha pîr ji serwerî a hizb û gel kir.



### Heval Selah Nadirî

Hevalê şehîd Selah Nadirî, kurê Mehmûd, hunermendekî şoreşger, xebatkarekî xwedî moral, mirovek ji

tuxmê herman û tavê, di 2'ê Pûşpera sala 1360 (Hezîrana 1981)'an di malbateke welatparêz û pêşmergeperwer de ji dayîk bûye. Xwendina destpêkî di gundê Kanî Sêw bi dawî tîne. Bo



### Hevalê serwer Cemal Îsma'îlî

Hevalê şehîd Cemal Îsma'îlî li sala 1984'an, di malbateke welatparêz de, li gundê Qelatan a Nexedê ji dayîk bûye. Di sala 1999'an de, pêwendiyê bi teşkilata PDKÎ ve digre, û wekî endamekî nepenî (nihênî) di navxwe ya welat de dest dike bi kar û tekoşîna hizbî. Heval şehîd Cemal Îsma'îlî endamekî xwedîşyan û dilsoj bû, û alîkarekî baş bo endamên din ên navxwe ên welat de bû.

Di sala 2011'an de, bi sedema eşkerebûnê, kincê pîroz ê pêşmergeyê li xwe dike, û domandina tekoşîna wî di nav PDKÎ de dibe. Di dema pêşmergeyê xwe de, gellek erkên metirsîdar û girîng di navxwe ya welat de bi rê ve birin, û serbarê birîndarbûnê, dîsan jî ji caran zêdetir dibû mertal bo hizb û gelê xwe.



Di newroza 2016'an de, ku peyama pêkvegirêdana çiya û bajaran ji aliyê birêz Mistefa Hicrî ve hate dayîn, şehîd Cemal Îsma'îlî gellek kêfxweş dibe, û dibêje ku emê ber bi niştimana xwe ve bifirin, û firîna me ya vê care, bo wargehê evîn û jînê ye.

### Hevalê serwer Xalid Pêyxamî

Hevalê serwer Xalid Pêyxamî di sala 1983'an de, di nav malbateke welatparêz de, di gundê "Rizîwê" a Şinoyê de ji dayî bû. Di sala 1990'î de diçe xwendingehê, û heya pola 1'ê a nawendî dixwîne. Navbirî di sala 2001'an de, pêwendiyê bi teşkilata PDKÎ ve dike, û wekî endamekî çalak erkên hizbî bi rê ve dibe, û komek ciwanên çalak li dewra teşkilata hizbê kom dike, û teşkilateke serûber pêk tîne, û gellek çalakne erkên hizbî bi rê ve dibe. Piştî eşkerebûnê rû li binkeyên PDKÎ dike, û kincê pîroz ê pêşmergeyê li xwe dike, û hey demên dawiyê ên jiyana xwe gellek dilsojane karên hizbî bi rê ve dibe. Şehîd Xalid berî sefera xwe ya bêveger, rû li yek ji hevalên xwe gotibû: "Em karwanê rêbazekê ne, em dizanin ku me çi kiriye, em li kuderê



ne, û ber bi ku ve dicin, û dibe çi jî bikin, û encama wê jî, ji me re eşkere ye, lewra nîrx û qurbanîdan, xwezaya hemû şoreşeke rewşa ye". Şehîd Xalid Pêyxamî bi vê têgihîştin, û bi vê hêz û morala xwe ve, di nav dil û cergê dijmin de, digel hevalên xwe yên din, bi qehremanetî şer kirin, û bi vî şerê xwe yê mîrxasane dersên jîbîrnekirî dane van caş û neyarên ku di benda xweradestkirina van mîrxasana de bûn, û ew destanrêsiya wan, wê bo heta heta di nav rûpelên zêrîn ên dîroka Kurd û Kurdistanê de bimîne.

### Hevalê serwer Seyîd Umer Husênî

Hevalê şehîd Seyîd Umer Husênî, kurê Seyîd Qadir, xelkê gundê Bêjawê ya ser bi navçeya Şinoyê, di sala 1974'an de, di nava malbateke navdar a Şinoyê de ji dayîk dibe.

Di sala 1999'an de, dibe pêşmerge û heya sala 2001'an pêşmergeyê dike. Her di vê salê de, bo Nawenda 3 tê şandin, piştê ji aliyê hizbê ve, bo karê hizbî bo navxwe ya welat tê şandin. Piştî salekê kar û tekoşînê, ew hate girtin û hukmê girtina dirêjheyam bi ser de hate sepanandin. Şehîd Seyîd Umer Husênî piştî du salan ku di girtîgehê de ma, û piştê îznêk pê hate dayîn ku serdana malbata xwe

bike, lê wî ew derfet bi kar anî, û xwe gehande nav refên PDKÎ. Piştê çû Swîdê, û li wir jî berdewam karê hizbî dikir. Ew piştê dibe endamê komîteya Urubiroyê, û hewisa bû endamê nawenda Yekîtiya Kurdistan.

Dawî car, piştî biryara PDKÎ bona pêkvegirêdana xebata çiya û bajar, wî dev ji xweşiya jiyana Ewropayê, û hezkiriyên xwe û keç û hevjinê xwe berda, û vegeriya Kurdistanê, û çeka bergirî ji şeref û kerameta neteweya xwe kire mile xwe de, û tevî şêrêkurên herêma Şinoyê, ber bi Şinoyê ve çûn, û li wir berbirûyê şerekî sepanand bûn, lê wan bi xwîna xwe ya sor destanrêsiyeke pirr mezin afirandin, û kelexê dehan caş û pasdaran di qada şer de rêz kirin.



### kempa Lîbertî bû armanca êrîşa bi mûşekan

**D**i encama avêtina zêdetir ji 20 mûşekan bo ser kempa Lîbertî, çend kes birîndar bûn.

Li gora zanyariyan, kempa Lîbertî cihê rûniştina endamên "Mucahidînê Xelq" bû armanca mûşekan, û ew trombêla ku mûşek li ser hatibûn danîn, li başûra Bexdayê hate dîtin.

Di vê derheqê de "Şorayê Milliyê Muqawimet" ku "Mucahidînê Xelq" beşek ji wê ye, di daxuyaniyekê de nivîsand: "Hejmarek ji akinciyên kempa Lîbertî birîndar bûn, lê bi xweşî ve tu kes di vê êrîşê de şehîd nebûye".

Kesek ku di dema avêtina mûşekan

de, bi çavên xwe, ew dîmen dîtine, û li rex balafirgeha Bexdayê jiyane dike, bi nûçegihaniya Royterzê raghandiye ku dengê 20-30 teqînan bihîstiye.

Lê Şehriyar Kiya Rostemî, berdevkê Saziya "Mucahidînê Xelq" raghandiye ku zêdetir ji 50 xompareyan li kempê ketiye.

Endamên "Mucahidînê Xelq" ku di vê kempê de dimînin, li benda penaberîya di welatên din de ne. Li gora gotina Wezareta Veguhastinê ya Îraqê, vê êrîşê nekariye rabûna balafiran ji balafirgehê ve bixe bin bandora xwe de.



Di meha Octobera sala 2012'an, kempa Lîbertî bû armanca êrîşa bi roketan, û di encamp de aliyê kêr 26 kes hatin kuştin.

Kempa Lîbertî ji sala 2012'an ve bûye cihê akincîbûna endamên "Mucahidînê Xelq".



## Zendeqa zordar û stemkaran ji hevgirtina çiya û bajar çûye



Kerîm Perwîzî

Desthilata serkutkar û terorîstperwer a Komara sêdareyê, bona domandina desthilata xwe ya xedar, herdem dixwaze cudahiyê bixe nava gelan û xelkê ji hev veqetîne.

Propagend û pîlanên rêjîmê bona vê yekê ne ku ji xelkê kurd li gund û bajarên re bibêje ku eva Pêşmerge ye ku dibe sedema afirandina pirsgerêkan ji we re û hebûna Pêşmerge dibe sedema malwêranî û agirberdan ji jiyan û

xortên çavvekirî û hêviyên nîştimana me alîgir hene û dengê wan dubare dibe û tê bihîstin.

Evna nîşan didin ku bi hev re bûna xebata bajar û çiya, hevgirtina Pêşmerge û gel, stratêjiya bi hev re girêdana xebata siyasî û cemawerî û rabûna gel û Pêşmerge, xala lawaz a rêjîmê ye û bilindgoyên wê dike armanc û dezgeha sitem û zordariyê û kirêgirtiyên wê dixê lerizînê.

**Di 22'ê Pûşper (13'ê Tîrmehê) de gund û bajarên Kurdistanê, peyama yekdest a pêşwaziyê ji xebata Pêşmerge re dişînin**

Neyarên kurd û kesên ku herdem amade ne xwe radest bikin, berde-wam propaganda û bang û hawara vê yekê kirine ku Pêşmerge ji bo kurd ne hewce ye û rêya asûde ya jiyanê, rêya teslîmbûnê weke tişteke rast û heyî û

dikin ku ji şer û kuştinê hez dikin. Hêza zilimkar û zordest sedan hezar kes ji çekdarên şandî yên desthilatdarên Tehranê nabînin, lê keç û xortên fîdakar ên welat bi vê yekê tometbar dikin ku şerxwaz in.

Di 22ê Pûşperê de (27mîn salvegera terorkirina Dr Qasimlo û hevalê wî) gund û bajarên Kurdistanê bi hev re dê bi dengê dilê û bilind greva giştî li Kurdistanê lidar bixin bona nerazîbûn li hemberî terorîstan û herwiha dê peyama pêşwazî ji Pêşmerge bişînin.

**Destanrêsiyên Şino û Kosalan selimandin ku kurd bi îrade ne, û li ser pêyên xwe sekinîne**

Demeke dirêj e dijminên azadiyê û tarîperestên Cemaranê û kirêgirtiyên wan gotegota vê yekê belav dikin ku qaşo Kurdistan dagir kirine û bi tevahî teslîm bûye.

## Gotinên Navdaran



A: FIRAT CEWERÎ



têkbirina ewlehî û asayîşa we.

Her heman desthilata gemar, bi pîlan û çêkirina şerê derûnî ji Pêşmerge re bibêje ku hûn bona kî jiyana xwe fîda û gorî dikin ? Gel we naxwaze û ji we hez nake û ne rêzê ji fîdakariya we digire û hûn hatine jibîrkirin. Ev komploya gemar û qirêj a desthilata dîktator a Tehranê, di nava kesên ku alîgirên xwe radestkirinê ne û nehez û dijberên xebat û fîdakariya keç û

stû xwarkirin li hemberî qederê ye. Gellek sal in ku dengê nexweş ê dijberîkirina keç û xortên jêhatîyên welat tê bihîstin ku ji aliyê desthilata dîktator û sereberdayî ya Tehranê be tê sazîkirin û dikeve rojevê. Gund û bajarên Kurdistanê mîjsalên dûr û dirêj in ku di bin potîn û postalên Pasdarên terorîst de rastî zilm û sitemkariyê tînin û çend sed hezar hêzên qirker û dijî gelî anîne Kurdistanê, lê kurdan bi vê yekê tawanbar

Gotegotên celad û kopal bidestên wan gellek bê şermane û rûreşane wiha hatine belavkirin ku hetanî hinek kesên nevêrok û tirsonek jî, ewên ku di hemû qonax û evrazên dîrokê de amade ne xwe bidin destê dijmin, wisa didan xuyakirin ku êdî rêbaza xebatê ber bi pêvajoya nemanê gihîştîye û diçe.

Banga xedar û qirêjxwerên wan guhê xelkê eşandibûn ku qaşo gozînkên keç

Kesên mîrxas dikarin li her welatî ji xwe re starekê peyda bikin.

**Ovidius**

An em ê hemû bi hev re bêne bidardekirin, an jî em ê wan yek bi yek bi dar de bikin.

**Frankiin**

Ji deyndayînê zehmettir tişteke heye, ew jî deynkirine.

**Braccio**

Deyn feqîriya herî xerab e.  
**M. G. Lichtwer**

Ne bi deyn bide ne jî deynan bike, an na tu ê hem perê xwe hem jî hevalê xwe winda bikî.

**Shakespeare**

Deyn deryayeke bêbinî ye.  
**Carlyle**

Rojek îro bi du rojên sibe ye.  
**Frankiin**

Burokrasî, koviya demokrasiyê ye.  
**H. Glasow**

Mezin, ji ber ku me ew hilgirtine mezin in; ger em wan ji ser piştên xwe bavêjin, ew ê li **erdê bi** çarpiyan herin.  
**Montandre**



û xortên xebatê hatine şikandin û dê sitem û zordestî heta heta dom bike. Lê Pêşmergeyên Kurdistanê, keç û xortên canfida û can li ser dest ên wleat li Şino û Kosalanê, bi afirandina hemaseyên ku qet nayên ji bîrkirin, hem xeyalên hêzên terorîst ên zordar şikand û hem jî bi hemû aliyekê dubare selimand ku kurd neteweyeke xwedî îrade ye û herdem li ser pêyên xwe sekinî ye û serê xwe bo ti kesî xwar nake.

### Bajar di bîranîna rêberê xwe yê leheng de û keç û xortên xwe yê qehreman dê bêdengiyê rabighîne

Dilê xelkê Kurdistanê bi hezar awayan ligel xebat û têkoşîna keç û xortên wan ên qehreman û bi îrade ye. Ew ne xebatkaran ji bîr dikin û ne bê wefa ne li hember rêberên xwe ên şehîdan, belkî bi hezar şeweyan hewla zindî ragirtina bîranîn û rêbaza wan didin. Bajarên Kurdistanê, bingeheên vejîyan û rabûna nû ya gel, di bin gef û zextên dezgeha zordarî û mirokuj a Îranê de stûxwar nabin û nayên çavtirsandin. Ew rêyên cuda digirin pêşîya xwe da ku celad û dirinde û kopal bidestên şandî yê desthilatdarên Ceyranê ji hebûna xwe li Kurdistanê bêzar bibin. Bêdengiya bajar di roja 22ê Pûşperê de, bêdengiya dasepandî û zordestiyê nîne, belkî hawara bilind a bajarekê ye ku bi bêdengiyê hem rojekê di bîra rêber û keç û xortên xwe de dibe û him jî ew bêdengî teji ye ji dengê nerazîbûn li hemberî gotegot û guregura mirovkujên hakim ên Tehranê û qirêjxwer û kopal bidestên wan li Kurdistanê.

### Bi xwîn û xebatê, rêbaza Qasimlo heta serkevtinê dom dike

Rêbaza teji rûmet a demokrat, ew rêbaza ku Qazî, Qasimlo û Şerefkendî serdarên wê bûn û bi hezaran keç û xortên emegdar ên Kurdistanê tê de cangorîti kirine, mêjdem e birêve ye û berdewam e.

Armanca vê rêbazê bexteweriya gel e û jiyankirina serbilindane ya netewa kurd û azadî bo mirovan e, ne rêbazek e ky hez ji xwînrijandinê bike. Rêbazek e bona ku xwîndan û xwînrijandin û xwînmijî bi dawî bîn. Rêbaza demokrat rêbaza bi hev re jiyanê ye, lê pêkve jiyanek bextewerane û wekhev. Ne bi hev re jiyanek ku aliyel sitemkar be û aliyek sitemlêkirî be, aliyek serdest be û aliyek kole.



Rêbaza Demokrat di rêya vegeşandina jiyanê de ye, lê zordar û sitemkar, rêberên terorîst ên Tehranê naxwazin xelk bi rihetî û asûdeyî jiyan bikin, belkî dixwazin takekesên civakê di serşorî û stûxwariyê de heta dawîya temenê xwe mijûlî candanê bin. Rêbaza xwe gorîkirin di rêya jiyan-aneke asûde a nîfşa pêşerojê, rêbaza Qasimlo ye û rêvîngên wê rêbazê bi xebat û canfidayîyan heta serkevtinê dê bidomînin.

### Kurdistan kul û birîna terorkirina rêberê xwe û xwîna xebata nû ji bîr nake

Terorkirina Dr. Qasimloyê nemir birîn û kuleke mezin bû ku dijmin li cesteyê Kurdistanê û xebata netewî – demokratîk a kurd xist. Dijminan wisa dizanîn ku bi terorkirina Dr. Qasimlo, xebata rewa û berheq a neteweyekê dê ji nav bibin.

Ew xebata berheq ne tenê ji nav neçû, belku bi moral û hêviyê pir xurt bi pêşerojê, careke din rabû ser pêyan û bi xwîna Pêşmergeyên wê xebatê rabûna vê carê li ser kevirên Kurdistana pîroz hat rengîn bû û qet bi dijmin nayê tune kirin. Dijminê teji kerb û kîn gellek hewl û cehd dan ku xebat û têkoşîna kurd bê encam nîşan

bidin û Kurdistanê rastî bê helwêstî û nerînene rebenane bikin, lê Kurdistan çepera her gav amade ya berxwedan û rabûnê ye û qet kul û birîna terorkirina rêberê xwe û xwîna xortên xwe yê nû yê şehîd ji bîr nake.

### Rêvîngên Qasimlo, bi destanrêsiyên xwe, ketin nav dilê dîrokê de

Dîrok, hebûn û hest, nasname û serpêhatiya neteweyekê ye. Neteweyên cihanê bi bûyer û kiryarên wan bandorê dikin ser çarenûsa xwe û qedera xwe bidestve digirin. Bidestvegirtina çarenûsê lêxistina mohra nasname û pênaseya netewî ye li ser jiyan û bûyerên hûr û gir.

Bona ku bûyer û serpehatî di hafîze û bîra neteweyekê de cih bigirin, hewce ye ku keç û xortên leheng û birtîj û çavvekirî hebe heta ku jiyan û dîroka neteweyekê bilivîne.

Li Kurdistanê keç û xortên kurd, rêvîngên rêbaza Qasimloyê nemir, ne tenê biwêrane, belkî gellek jêhatiyane hemsî afirandin û bi hemaseya wan rêvîngên serbilind rêya serbestiyê, Kurdistan û kurd dîrokeke din dinivîsin.

## Tiştonek



### A: Mahir Berwarî

- Mîkrob/Vîros**  
- Ne li erdî, ne li esmanî, dixut guştê xodanî.
- Name**  
- Qîz û vîz, çu bajêrê Ebdulêzîz.  
- Kaxez e çîzavîz, çu bajarê Ebdilezîz, tîne kêfa xort û qîz.
- Sehak**  
- Her hemam, hemam hemam, siyarê urtê tamam, bav mele, qîz îmam.
- Malhisînk**  
- Mamê memo, bi lingekî, çu şerê gundekî.  
(\* bo bivir, das ... jî tê)
- Himban**  
- Du dest in, du pê ne, qalib e ruh tê ne.
- Kunê avê/Cewdik**  
- Diya te heru, Erebe kîr reş dihavête ser xu.
- Durka derî/Kilîl**  
- Diya te heru, hinde rapêç dîkî. (\* anku: didete ber)
- Gû/Pîsî**  
- Min hilkir bi bêrê, te hêla bi pozî kêrê.
- T'irr (\* bayê ji ber mirov diçe)**  
- Pisik nine bivêje pişt û Kuçik nine bivêje oşt.  
- Ne deriyê wî deye, neyi pacê wî heye, tê û diçe.
- Semawir**  
- Binî qul e, serî qul e, di nav de av û agir e.
- Darbirîn**  
- Ez çume newalekê, jê tê dengê birîndarekê.
- Tirên**  
- Or or dike, bor bor dike, qesta bajaran dike.  
(\* Bo avê jî dibêjin.)

Têdîtin: Amadekar destkariya devoka metelokan nekiriye

**Xwendevanên hêja!**  
**Hûn dikarin bersiva tiştonekan bi riya E-Maila Agiri2003@gmil.com ji me re bişînin**





# Agirî

♦ Rojnameya “Agirî” di van malperên jêrên de bixwînin:  
♦ [www.Kurdistanmedia.com](http://www.Kurdistanmedia.com)  
♦ [www.Agirimedia.org](http://www.Agirimedia.org)  
♦ [rojnamaagiri@gmail.com](mailto:rojnamaagiri@gmail.com)  
♦ [www.facebook.com/Agirikirmanji](https://www.facebook.com/Agirikirmanji)

Navnîşana derveyî welat: AFKB.P. 102- 75623 ParisCEDEX 13 –FRANCE

E - Mail: [Agiri2003@gmail.com](mailto:Agiri2003@gmail.com)

Hejmar (281)

